



故宮珍本叢刊

學海君道部

第四冊 共九冊

故宮博物院編 海南出版社

故宮珍本叢刊第 495 冊子部雜家類

故宮博物院編

學海君道部

第四冊（共九冊）

海南出版社



圖書在版編目(CIP)數據

故宮珍本叢刊. 第 492~500 冊, 子部. 類書/故宮博物院編. —影印本. —海口: 海南出版社, 2000. 12

本輯包括: 學海君道部/(明)饒伸輯

ISBN 7-80645-874-3

I. 故… II. 故… III. 古籍—善本—故宮博物院—叢刊 IV. Z121.7

中國版本圖書館 CIP 數據核字(2000)第 75627 號

故宮珍本叢刊第 495 冊

子部·類書

學海君道部

第四冊(共九冊)

故宮博物院編

責任編輯: 李升召

*

海南出版社出版發行

海南省海口市金盤開發區建設三橫路 2 號 郵政編碼: 570216

湖南省新華印刷三廠印刷

湖南省長沙市韶山路 158 號 郵政編碼: 410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本: 787×1092 毫米 1/16 印張: 25 印數: 1-400 冊

ISBN 7-80645-874-3/Z·41

定價: 5240 元(子部類書 33 種共 33 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

世系類七十七

列國譜系五十

元封篇

功臣王公章一

魯國忠武王木華黎札刺兒氏世居阿難水東父孔溫窟哇以威里故在太祖麾下從征伐數立功木華黎其第三子也沈毅多智略善射與博爾木等事太祖以忠勇稱丙寅太祖稱帝以木華黎為左萬戶伐金滅之丁丑拜太師國王賜黃金印曰子孫傳國世世不絕建行省于雲中承制行事癸未三月卒子字魯嗣丙戌夏詔封功臣戶口為食邑^{實有戶}字魯居其首戊子五月卒至治元年封孔溫窟哇

列國譜系

卷五十八

一

為太師魯國王謚忠宜木華黎為上柱國魯國王謚忠武字魯為太師魯國王謚忠定子塔思年十八嗣爵遂至雲中屢立戰功己亥三月卒子碩篤兒幼弟速渾察嗣碩篤兒既長詔別賜民三十戶為食邑得建國王旗幟其家臣置官屬如列侯故事碩篤兒卒子忽都華嗣卒子忽都帖木兒嗣卒子實哥嗣卒子道童^{凡九}嗣^世東平忠宣王速渾察字魯太子性嚴厲賞罰明信人莫敢犯初嗣父爵即上京之西河兒查禿置營總中都行省蒙古漢軍尋卒延祐三年追改今封

魯郡公乃燕渾察子渾察卒憲宗於諸子命乃燕嗣爵乃燕力辭王爵於兄自願代行軍國之事世祖時卒至正八年追贈今封子碩德世祖即位入宿衛典朝儀後同知通政院事征乃

及使西域屢建殊勲卒謚忠敏追嗣父封

東平武靖王霸突魯字魯三子從世祖征伐為先鋒元帥屢立戰功中統二年卒大德八年追封

東平忠憲王安童霸突魯長子中統初世祖追錄元勲召入長宿衛至元二年秋拜中書右丞相增食邑至四千戶三十年卒大德七年追封子簡王元都帶世祖時嗣拜宿衛成宗即位拜司徒領太常大德六年卒至大二年追封東平王謚忠簡子拜住

昔忠惠王阿里吉失字魯七子封年未詳子忽爾忽速嗣國王卒追封薊王

魯忠穆王乃蠻台忽速爾之子勢靜有成性明果善斷善射至

列國譜系

卷五十八

二

順元年累遷知嶺北行樞密院事封宣寧郡王賜金印六年拜嶺北行省左丞相至正八年卒追進今封

遼陽王朵兒只木華黎六世孫脫脫子也朵兒只生一歲而孤稍長備宿衛事母至孝喜讀書至治二年授集賢學士年未及冠一時同寅諸老皆器重之天曆元年朵羅台國王自上都領兵至古北口與大都兵迎敵事定文宗殺朵羅台二年朵兒只襲國王位扈蹕上都詔便送至遼陽之國順帝至元四年朵羅台弟乃蠻台侍太師伯顏勢謂國王位乃其所當襲怨于朝伯顏妻欲得朵兒只大珠環朵兒只無以應則慨然曰王位我祖宗所傳不宜從人求買我縱不得為設為之亦我宗族入耳於是乃蠻台以賂故得為國王而除朵兒只遼陽行省左丞相七

年特選中書左丞相九年罷相復爲國王之國遼陽十四年詔

脫脫總兵南討中書參議龔伯遂建言宜分遣諸宗王及異姓

王俱出軍吳王朵爾赤厚賂伯遂獲免朵兒只獨曰吾國家世

臣天下有事政效力之秋也吾豈暇與小子輩通賄路哉即領

兵出淮南聽脫脫節制脫脫遣攻六合援之既而詔削脫脫官

罷其兵權朵兒只乃以本部兵守揚州十五年卒於軍二子朵

顏帖木兒翰林學士俺木奇失里襲國王

高唐王阿剌兀思剌吉忽里江古部人系出沙陀鴈門之後遠祖卜

國世爲部長金源氏堽山爲界以限南北剔吉忽里以一軍守其衝

要乃繼遣使約親同據朔方剔吉忽里執其使以其謀告太祖遂從

太祖平乃繼從下中原太祖令歸鎮本部爲部衆所殺其妻阿里黑

列國譜系

卷五十八

三

攜幼子孛婁合與姪鎮國避難遁入雲中太祖既定雲中購求得之

乃追封阿剌兀思剔吉忽里爲高唐王以孛婁合尚幼先封鎮國爲

北平王鎮國卒北平子聶古台嗣爵卒孛婁合幼從攻西域還封北

平王尚阿刺海別公主卒追封高唐王謚武毅後贈太傅駙馬都尉

進封趙王長子君不花尚定宗長女次子愛不花尚世祖季女累從

征伐有功卒

趙忠憲王闊里吉思孛婁合之孫愛不花之子性勇毅習武事尤

篤於儒術再尚公主宗王也不干叛率師討平之成宗即位封高

唐王大德元年平定西北二年爲敵所執不屈死之九年追封高

唐忠憲王加贈太師駙馬都尉進封趙王子木安幼詔以弟木忽

難嗣高唐王至大二年加封趙王即以讓木安三年木安嗣趙王

尚書王女卒

京武定公札八兒火者賽夷人賽夷西域部之族長也因以爲氏

火者其官稱也札八兒雄勇善騎射初謁太祖于軍中一見異之從

平汪罕及西域諸部又敗金人破中都太祖北歸留札八兒守之授

黃河以北鐵門以南天下都達魯花赤賜養老一百戶并四王府爲

居第卒年一百一十八追封謚長子阿里罕從父出入行陣勇而善

謀憲宗伐蜀爲兵馬都元帥終湖南宣慰使追嗣父封諡安惠札八

兒次子明里察亦追封京國公諡康懿

營忠武公塔本伊吾廬人父宋五設託陀託陀者其國王所賜號

猶華言國者也塔本初從太祖討諸部屢陀難復從圍燕征遼下白

雲諸城使鎮撫之號行省都元帥癸卯立春日卒追封子阿里乞失

列國譜系

卷五十八

四

鐵木兒嗣父職爲興平行省都元帥從大軍伐高麗有功丙辰卒追

嗣父封子阿台嗣父職改平濤路達魯花赤至元二十一年累進昭

武大將軍二十五年卒追封永國公

永平忠亮公阿台阿里乞失帖木兒子當襲父職適罷行省爲平

濤路總管府丁巳憲宗命阿台爲其路達魯花赤至元二十一年

累遷昭武大將軍二十五年卒追封子迭里威失成宗時入宿衛

累遷遼陽行省參知政事子鎖咬兒哈的迷失年十二宿衛英宗

藩邸英宗即位拜監察御史以直諫被殺泰定初追嗣祖封謚貞

愍

順國忠毅公蕭颯奴契丹石抹氏有膂力善騎射識見明敏士金爲

古北口屯戍千戶庚午太祖南征颯奴力屈而降遂從破金兵取諸

州授檀州軍民元帥擢萬戶卒於官追封子青山中統元年襲萬戶至元十一年從北顏平宋還授湖北提刑按察使追封父封謚武定子哈喇帖木兒少事裕宗於東宮與宿衛仕為檀州知州追嗣祖父封謚康惠

忠愍公蕭拜住乃哈喇帖木兒之子嘗從成宗北征特授檀州知州入為禮部中丞祐三年歷拜中書平章政事英宗即位為右丞相鐵木迭兒所構殺之並籍其家泰定間贈太保追封

漢公耶律禿花契丹人世居恒州太祖時率眾來歸後侍太祖同飲班木河水從伐金大破忽察虎軍又從木華黎收山東河北有功拜大傅封賜虎符銀印統萬戶札刺兒劉黑馬等伐金卒于西河州子朱哥嗣仍統劉黑馬等七萬戶征四川卒于軍子寶童嗣以疾不

列國譜系

卷五十八

五

任事朱哥弟買住嗣而以寶童充隨路新軍總管卒子怛古帶世祖時賜金符襲父職為隨路新軍總管從征蜀及雲南有功陞萬戶副都元帥成宗大德九年累遷雲南行中書省左丞都元帥卒于軍至大四年贈平章政事追嗣祖封謚威愍子火你赤襲萬戶

宣寧忠襄王速哥蒙古怯烈氏世傳李唐外族父懷都事太祖嘗從飲班木居河水速哥為人外若質直而內實沈勇有謀雅為太宗所知遣使金還遂謀伐金滅之以速哥為山西大達魯花赤卒贈太師追封謚

雲國康忠公忽蘭速哥第四子其母以后戚故得襲父職以安輯功更賜山西戶三百卒贈太保追封子天德于思賴悟過人世祖聞其賢令嗣父職養母完顏氏以孝聞當時眷顧最號優渥卒贈

太傅追嗣父封謚顯毅子孫世多貴顯云

郡王史不載怛哥怛兀人其先刺真八都兒有二子次名怛兀兒始別為怛兀氏畏答兒其六世孫也事太祖為萬戶討王罕中流矢卒及王罕滅以其民百戶隸其子且使世世歲賜不絕太宗思其功復以北方萬戶封怛哥為郡王歲丙申忽都忽大料漢民分城邑以封功臣授芒哥泰安州民萬戶太宗訝其少忽都忽對曰臣今差次惟現舊數多寡怛哥舊繼八百戶帝曰不然長答兒封戶雖少戰功則多其增封為二萬戶與十功臣同為諸侯者封戶皆異其籍兀魯畢口怛哥舊兵不及臣之半今封顧多於臣帝曰汝忘而先橫鞭馬鬣時耶兀魯遂不敢言怛哥卒孫只里瓦爾乞答爾曾孫忽都忽兀乃忽里哈亦俱襲封郡王

列國譜系

卷五十八

六

列五百四十五

泰安武穆王博羅歡畏答兒幼子藤木易之孫瑣魯火都之子也年十六為本部斷事官從世祖征伐數有功至元二十年歷拜御史大夫成宗即位以疾歸諸王乃顏叛帝將親征博羅歡諫曰昔太祖分封東諸侯其地與戶臣皆知之乃顏得其九怛兀魯札刺兒弘吉刺亦其烈思五諸侯得其十一惟微五諸侯兵自足當之何至上煩乘輿哉臣疾且愈諸事東征乃命督五諸侯兵與乃顏戰敗之拜河南行中書省平章政事成宗初近臣奏伐宋時右軍分屬伯顏阿木左軍分屬博羅歡今伯顏阿木皆受分地而博羅歡未及惟帝裁之帝曰何久不言豈彼耻自請耶乃益封高郵五百戶大德元年拜上柱國遷江浙行省居歲餘卒累贈太師進今封第長子渾都為山東宣慰使平章政事次子伯都為江浙行

省平章政事二子楚先帖木兒爲河南行省右丞相子摩摩星吉嗣郡王爵

興武毅公移刺捏兒契丹人幼有大志膂力過人沈毅多謀略達亡金授以官不受聞太祖舉兵曰爲國復讐此其時也率衆詣軍門獻策太祖與語奇之賜名賽因必闡亦以其生于霸州因號爲霸州元帥乙亥拜兵馬都元帥從木華黎征伐累立戰功遷軍民都達魯花赤兼提控元帥戊子以疾歸高州卒贈太尉追封子買入見太祖太祖異之使襲父職爲高州達魯花赤兼征行萬戶庚寅攻高麗克開州諸城癸巳討叛賊趙祚平之乙未從太祖征高麗取西京加征東大元帥以疾卒追嗣父封謚顯毅子元臣別名哈刺哈孫年十六入宿衛世祖異之以爲怯薛必闡亦襲千戶將其父軍從伐宋攻淮

列國譜系

卷五十八

七

五十四

西有功又從伯顏平宋討叛賊只兒瓦台於應昌平之鎮應昌三歲加昭毅大將軍還高州至元二十八年移食湖廣行樞密院三十年卒追嗣祖父封謚忠靖子迪中湖廣宣慰使都元帥

秦國忠順公劉伯林濟南人好任俠善騎射金末爲威寧防守千戶

都提控壬申歲太祖圍威寧伯林以城降卽授元職從攻西京錄功以本職克西京留守兼兵馬副元帥又從木華黎破燕京下山西時論欲徙聞喜民實天成伯林以北地喪亂人艱于食力爭止之部曲所獲俘虜萬計悉縱之在威寧十餘年務農積穀與民休息鄰境周察而威寧獨爲樂土嘗曰吾聞活千人者後必封吾之所活何啻萬餘人子孫必有與者乎辛巳以疾卒年七十二累贈太師追封子黑馬名燧後以字行驍勇有志略弱冠隨父征伐有戰功壬午襲父職

爲萬戶兼都元帥歷太祖太宗定宗憲宗世祖累從征伐皆有大功中統三年命兼成都路經略使卒年六十三累贈太傅追嗣父封謚忠惠子元振襲父職爲經略使時議以勲舊之家權太重宜稍裁抑遂降爲成都副萬戶十二年卒

國忠武公粘合重山金源貴族也國初爲質子知金將以遂委質焉太祖使爲宿衛官從平諸國有功後立中書省以重山有積勲授左丞相太宗七年從伐宋詔軍前行中書省事下江淮取天長復入視中書事卒贈太尉追封十年詔其子江淮安撫使南合嗣行軍前中書省事中統三年累遷中書平章政事四季病卒追嗣父封謚宣昭

衛國忠武公撒吉思上華蒙古克烈氏父契直順魯華初以其部人

列國譜系

卷五十八

八

五十四

二百從太祖征乃蠻西夏有功命將萬人爲前鋒攻金下植州破東京中流矢卒撒吉思上華嗣將其軍太宗時攻金義宗走之尋沒於陣嗣國王塔思承制以其弟明安答兒領其行營尋有旨以爲蒙古漢軍萬戶從太子南伐卒于均州金人命大臣忽都虎料民分封功臣撒吉思上華妻楊氏自陳曰吾舅及夫皆死國事而獨爾見遺事聞帝曰彼家再世死難宜賜新衛民三百戶撒吉思上華贈太師謚忠武明安答兒贈太保謚武毅爵皆衛國公武宗又贈契直順魯華爲太傅追封衛國公謚武敏

國忠烈公董俊真定臺城人少力田長涉書史善騎射金貞祐間應本縣募從軍歲乙亥木華黎帥兵南下俊遂降已卯以勞權知中山府事尋以破金功授左副元帥駐臺城敗金將武仙於真定壬辰

改令封

隴西伯董文蔚俊之次子也立志勤苦讀書志倦及長騎射力

絕人甲寅授行軍千戶屢有戰功至元五年卒泰定中追封

壽忠穆公董文用俊第三子學問早成弱冠試詞賦中選世祖在潛藩令文用主文書從攻宋師破之世祖即位累遷兵部郎中叅議都元帥府事至元末歷翰林學士承旨成宗初拜知制誥兼修國史大德元年請老以疾卒追封

壽忠貞公董文忠俊第八子歲壬子入侍世祖潛邸癸丑從征南詔已未從敗宋兵世祖即位置符寶局以文忠爲郎十八年累遷書樞密院事典瑞卿是冬卒追封

列國譜系

卷五十八

九

河南忠定王速不台蒙古元良合人其先世獵于幹難河上遇敦必乃皇帝因相結納至太祖時已五世矣捏里必者生字忽都衆目爲折里麻折里麻者漢言有謀略人也三世孫合赤溫生哈班哈班二子長忽魯渾次速不台俱驍勇善騎射忽魯渾以百戶從太祖與乃蠻部主戰于長城有功速不台以質子事太祖爲百戶壬申攻金拔桓州屢從征伐有功太宗時從睿宗滅金又從諸王西征平定諸部皆其功也定宗即位既朝會還家于禿剌河上戊申卒追封子元良合台初以功臣子分掌宿衛乙巳領兵從定宗征伐憲宗時從世祖征西南夷平大理克諸部遂伐宋克潭州圍鄂州會憲宗卒世祖即位元良合台至上都後十二年卒年七十二子阿木沈幾有智略憲宗時從父征伐屢立戰功世祖即位留典宿衛中統三年從諸王征

有功拜征南都元帥至元中伐宋累拜平章政事十三年兩淮悉平入見世祖於大明殿陳宋俘第功行賞實封泰興縣二千戶二十四年西征卒追嗣父封

冀忠定公郝和尚技都太原人幼爲蒙古兵所掠在郡王迄忒麾下長通譯語善騎射太祖遣使宋以辨稱戊子以爲九原府主帥庚寅帥兵南伐有功授行軍千戶庚子進拜宣德等五路萬戶已酉陞萬戶府爲河東北路行省得以便宜從事凡四年壬子三月卒贈太保追封長子天益爲太原路萬戶都總管次仲威襲五路萬戶

西秦王田雄北京人幼孤能樹立以驍勇善騎射知名金末署都統辛未太祖軍至北京雄率衆出降太祖以隸木華黎麾下從征伐有功承制授河中帥太宗時從攻西川有功授鎮撫陝西總管招徠叛

列國譜系

卷五十八

十

人附者目衆乃教民力田京兆大治定宗時入見和林以疾卒河南武宣王察罕初名益德唐兀烏密氏父曲也法律爲夏臣其妻方懷察罕不容於嫡母以配掌羊羣者察罕武略過人幼牧羊於野太祖出獵見而異之乃挈以歸命給事內廷及長賜姓蒙古從略雲中征西域以功爲御帳前首千戶又從攻西夏次甘州時父居守城中察罕射書招之衆殺其父遂攻破之進攻夏擒夏主殺之太祖卒從太宗略河南地又從皇子親王伐宋克光州授馬步軍都元帥憲宗即位兼領尚書省事賜汴梁歸德河南懷孟曹濮太原三千餘戶爲食邑及諸處草地合一萬四千五百餘頃戶二萬餘乙卯卒追封梁武毅公木花里察罕長子事憲宗直宿衛從攻伐有功授千戶世祖至元四年伐宋有功陞萬戶復攻襄樊卒于軍追封

秦國忠憲公立智里威察罕從子祖曲也怯祖太祖時得召見屬
皇子察哈台為札魯火赤父阿波古事諸王阿魯忽居西域至元
十年擇貴族子備宿衛長子亦力撒合甚見親幸累官參知政事
改四川行省左丞成宗時率立智里威初為裕宗東宮典文書至
元十八年為嘉定路達魯花赤累遷湖廣行省左丞至大三年卒
追諡夏郡公謚忠憲進今封

潘陽忠憲侯洪福源其先中國人唐遺才子八人往教高麗洪其一
也子孫世貴于三韓名所居曰唐城父大宣以都領鎮麟州福源為
神騎都領因家焉戊寅冬太祖伐高麗大宣迎降遂從軍遇害辛卯
秋太宗復伐高麗福源率先附之民併力攻未附者遂高王京高麗
請降既而復叛福源乃率眾來歸處於遼陽潘陽之間太宗嘉其忠

列國譜系

卷五十八

十一

五百五十八

甲午五月特賜金符為管領歸附高麗軍民長官憲宗即位改授虎
符戊午福源遣其子會高麗族子入質以請見殺後贈今爵

右世祖以前封爵凡王七人公七人侯一人隨父見者王七人

公八人伯一人

德清王怯台魯兀台氏其先刺真八都以材武雄諸部生子曰兀魯
兀台曰必兀與札刺兒弘吉刺亦乞烈思等五人當開創之先協贊
大業太祖即位命其子孫各因其名為氏號五授下朔方既定舉六
十五人為千夫長兀魯兀台之孫曰木赤台其一也木赤台有膽略
善騎射怯列王可許之子鮮昆帥眾來侵木赤台擊殺之遂得其地
又從太祖平乃蠻諸部俾統兀魯兀台四千人世世無替怯台其子
也材武過人自太宗及世祖歷事四朝以勞封德清郡王賜金印丙

申鳴德州戶二萬為食邑至元十八年增食邑二萬一千戶肇慶路
連州德州泊屬邑俱隸焉怯台卒子端真技都兒嗣

本傳曰怯台二子曰端真曰哈答從征阿里不哥及平李璫皆與有功哈答三子曰
脫歡曰慶重二子皆從征曰亦隣只班脫歡二子曰塔失帖木兒
曰朶來塔失帖木兒一子曰匣刺不花自怯台而下凡九人皆封
郡王云

順昌武敏王阿塔海遜思都人祖塔海技都兒驍勇善戰嘗從太祖
同飲黑河水以功為千戶父上花襲職卒阿塔海魁偉有大度才略
過人既襲千戶從大帥征雲南還事世祖于藩邸至元九年伐宋有
功拜中書右丞行樞密院事二十二年歷行江西中書省事二十四
年從征乃顏還奉朝請居京師二十六年卒贈太師上柱國追封

列國譜系

卷五十八

十三

五百五十八

鎮陽忠武王史天澤燕之永清人曾祖倫少好俠因築室發土得金
始饒於財金末中原喪亂乃建家塾招徠豪士士皆爭附之祖成珪
偶儻有父風悉散其家財惟存廩粟而已父秉直讀書尚義氣癸酉
木華黎統兵南伐秉直率眾歸附木華黎欲用之秉直辭而薦其長
子天倪為萬戶秉直還屯霸州授北京行尚書六部事庚寅卒天倪
歷拜都元帥鎮真定為金將武仙所殺天澤秉直季子也身長八尺
善騎射膂力絕人初從天倪帥真定天倪被害總領李魯承制命紹
兄職為都元帥遂破武仙復真定太宗即位命為真定等五路萬戶
從平金伐宋皆有大功世宗中統二年拜中書右丞相至元八年進
開府儀同平章軍國軍事十二年卒謚忠武後累贈太師進今封
江陵武定王阿里海牙畏吾兒人家貧嘗躬耕舍來讀書用廬者得

事世祖于潛邸世祖即位漸見擢用由左右司郎中遷參議中書省
事至元十一年大舉伐宋阿里海牙進行省右丞十三年宋平拜平
章政事十八年定荆南淮西江西海南廣西地二十三年加湖廣行
省左丞相贈上柱國封楚國公諡武定至正八年追封

楚國忠惠公賈只哥阿里海涯子

京兆文靖公小雲石海涯賈只哥子遂以賈爲氏母廉氏夜夢神
人授以大星使吞之已而有妊及生神彩秀異膂力絕人嘗以爵
臣讓弟仁宗賢之歷翰林侍讀學士稱疾辭還江南泰定元年卒
追封

汝南忠武王張柔易州定興人世力農柔少慷慨尚氣節善騎射以
豪俠稱金貞祐間河北盜起柔聚族黨保西山東流寨盜不敢犯中

列國譜系

卷五十八

七十四

都經略使苗道潤承制授潤定興令累遷青州防禦使道潤表其才
加昭毅大將軍累破金兵以功加河北都元帥金平賜金虎符升軍
民萬戶又與世祖南征有功中統元年世祖即位詔柔入衛尋止之
以子弘慶爲質二年請致仕封安肅公命第八子弘略襲職至元三
年加榮祿大夫四年進封蔡國公五年卒年七十九贈太師上柱國
諡武康延佑五年進今封改今諡

蔡國忠毅公張弘略柔第八子有謀略通經史善騎射嘗從柔鎮

杞徙毫乙卯入朝憲宗以其幼賜錦衣令還鎮柔既致仕授弘畧
金虎符行軍萬戶中統間平李壇有功解兵職宿衛京師十三年
遷淮東宣慰使二十九年拜河南行省參知政事元貞二年卒贈
上柱國追封

淮陽獻武王張弘範柔第九子善馬槩頗能爲歌詩兄弘略上計
壽陽留弘範攝事吏民服其明大中統初授御用局總管三年改
行軍總管從討李壇平之朝廷懲瑣之亂議罷大藩子弟之在官
者弘範例罷至元年授順天路總管八年以伐宋功累遷亳州
萬戶十六年追宋主於閩廣滅之入朝慰勞甚厚未幾疾卒諡武
略至大四年加贈太師上柱國封齊國公改諡忠武延祐六年進
今封改今諡

蔡國公張珪弘範子少能挽強命中至元十六年從父平廣海
還年十六攝管軍萬戶明年真拜賜其父虎符治所統軍鎮建
康未幾弘範卒世祖召見親撫之累遷江淮行樞密副使至治
二年再爲中書平章政事泰定元年始開經筵令左丞相與珪

列國譜系

卷五十八

七十四

領之珪薦吳澄以自代辭位甚力猶封蔡國公知經筵事別刻
蔡國公印以賜二年得旨暫歸三年授翰林學士知制誥兼修
國史餘如故四年卒遺命上蔡國公印卒

常山文正王劉秉忠其先瑤州人世仕遼爲官族曾祖仕金爲邢州
節度副使因家焉遂爲邢人庚辰歲木華黎取邢州立都元帥府以
其父潤爲都統事定改署州錄事歷鉅鹿內丘兩縣提領所至皆有
惠愛秉忠生而風骨秀異志氣英爽不羈八歲入學日誦數百言年
十二爲質子於帥府十七爲帥府令史棄去隱武安山中遂從釋氏
遊雲中居南堂寺世祖在潛邸海雲禪師被召過雲中邀與俱行既
入見應對稱旨遂留潛邸後上書數千百言敷陳治道世祖即位創
立條例皆秉忠所出時人稱之爲聰書記至元元年拜太保參預中

青省事賜第奉先坊且以少府官籍監戶給之十一年秋卒十二年贈太傅封趙國公諡文貞成宗時改諡文正仁宗時進今封

易武昌公何伯祥易州易縣人幼從軍于金從張柔歸附遂從太祖破保定平西山諸寨後攻汴梁拔洛陽圍歸德破蔡州論功居多授易州總管世祖南伐參預軍事多所獻納卒於軍贈太保上柱國追封

梁國文正公何瑋始襲父職知易州兄行軍千戶卒瑋復襲之鎮亳州從圍襄樊擊宋將夏貴走之從伯顏平宋進太平路總管至元三十一年歷拜中書參知政事武宗至大三年累改河南行省平章政事卒贈太傅追封

趙國文憲公何榮祖其先太原人父英金貞祐間試文法入優等補

列國譜系

卷五十八

十五

吏授守鉅鹿云金仁徙家廣平榮祖狀貌魁偉何氏世業更榮祖尤所通習遂以吏累遷中書省掾擢御史臺都事始折節讀書累遷山東按察使請老歸廣平卒年七十九贈太司徒柱國追封

雍國貞獻公賀正其先河東隰州人父種德徙關中遂為京兆郭人

實有材略善攻戰數從軍有功嘗治室得白金五千兩以獻世祖且言其子可用狀即召入宿衛世祖即位賜黃金符總管京兆諸軍與魯卒贈太司徒追封

奉元忠貞王賀仁傑子初入宿衛從世祖南征雲南北征乃顏皆著勞績後與董文忠居中事帝同志協力多所裨益至元十七年累遷中書右丞上都留守兼本路總官在官五十餘年為留守者居半大德九年七月十二請老拜平章政事歸第以子勝襲上

都留守成宗崩仁宗入請內難召赴關未至而卒贈太保上柱國追封雍國公諡忠貞延祐六年加贈太師進今封

涇陽忠宣王賀勝仁傑子嘗從許衡學通經傳大義年十六入宿衛凝重寡言世祖甚器重之至元二十四年從征乃顏還拜集賢學士領太史院事二十八年進參知政事大德九年父仁傑請老以勝代為上都留守至大三年進光祿大夫左丞相行上都留守又加上柱國英宗即位丞相鐵木兒誣勝以罪殺之泰定初詔雪其冤贈太傅上柱國追封秦國公諡惠愍至正三年加贈太師進今封改今諡子惟一官至中書左丞相

魯國武惠公嚴實秦安長清人略知書志氣豪放不治生產喜交結施與落晚里社間屢以事擊獄俠少輩為出死力乃膺脫去癸酉秋

列國譜系

卷五十八

十六

金行臺調民為兵以實為眾所服命為自戶以功授長清尉有譖于行臺者以兵圍之實挈家避青崖宋因以實為濟南治中庚申金攻宋彰德克之實知宋未足恃乃挈所部來歸木華黎承制拜行尚書省事進攻曹濮諸州皆下之遂取東平甲午授東平路行軍萬戶庚子卒中統二年追封

寧國文忠公高智耀河西人世仕夏國曾祖逸大都督府尹祖良惠右丞相智耀登本國進士第夏亡隱賀蘭山太宗訪來河西故家子孫之賢者眾以智耀對召見將用之遽辭歸里世祖在潛邸已聞其賢及即位召見又力言儒術拜翰林學士至元五年擢西夏中興等路提刑按察使出使西北至上京病卒贈司徒柱國追封子霄資稟直亮父卒年十六授符寶郎出入禁闥恭謹詳雅歷拜南臺御史中

持大體有儒者之風延祐元年卒贈太傅上柱國追嗣父封諡

成武顯敏公也速台技都康里氏父艾貌初從雪不臺西從繼從定宗哈地太子南伐皆有功卒于軍也速台征征李壇伐宋累功授管軍總把從征日本遷欽察親軍都指揮二十四年從征乃顏有功明年卒追封

邢文憲公劉肅威州沼水人金興定二年詞賦進士累擢戶部主事金亡依東平嚴實辟行省左司員外郎世祖居潛邸以肅為邢州安撫使中統元年擢真定宣撫使二年授左三部尚書兼商議中書省事三年致仕給半俸四年卒年七十六贈上柱國大司徒追封潞忠肅公鄭鼎澤州陽城人幼孤能自立讀書曉大義不妄言笑

列國譜系

卷五十八

十七

張

既長勇力過人尤善騎射初為澤潞千戶甲午從征蜀屢立戰功中統元年遷平陽太原兩路萬戶三年遷平陽路總管十四年累遷湖北道宣慰使移鎮鄂州戰沒贈中書右丞諡忠毅後加贈平章政事追封

澤忠公鄭制宜鼎子性聰敏莊重有器局通習國語至元十四年襲父職太原平陽萬分戍萬戶鄂州時鄂闕守俾攝府事從征日本及乃顏累功授樞密院判官成宗元貞初歷拜大都留守領少府監大德八年卒贈平章政事追封

魯文獻公姚樞柳城人後遷洛陽少力學內翰宋九嘉識其有王佐略楊惟中乃與之偕見太宗乙未從惟中南伐授德安得程頤朱熹之書辛丑賜金符為燕京行臺郎中時牙魯差亦行臺惟事貨賂

以樞幕長分及之樞遂去棄官攜家來輝州世祖即位拜太子太師至元十三年歷拜翰林學士承旨十七年卒年七十八諡文獻

扈言曰姚樞元史不載魯國之封然考當時與樞同事齊名如竇默許衡後皆追封國公則樞不宜獨闕當從別史所載又衡之封乃在至大中而默之封本史亦不載何年世祖時功臣恤典固厚而封爵亦鮮豈亦大德至大間所追封耶今以史載年月者各從本朝類史不載年月者則見之卒時云

魏忠宣公張文謙邢州沙河人幼聰敏與劉秉忠同學世祖居潛邸受邢州分地秉忠薦文謙可用丁未召見應對稱旨命掌王府書記日見信用世祖即位立中書省以文謙為左丞至元十九年歷拜樞密副使歲餘以疾卒累贈太師上柱國追封長子晏仕至御史中

列國譜系

卷五十八

十八

張

丞卒贈陝西行省平章政事追嗣父封諡文靖

魏文正公竇默廣平肥鄉人幼知讀書毅然有立志金末南走渡河依母黨吳氏隱居王翁妻以女使業醫轉安秦州金主遷蔡默又走德安得伊洛性理之書自以為學自此始適中書楊惟中奉旨招集儒道釋之士默乃北歸於大名與姚樞許衡講習繼還肥鄉以經術教授由是知名世祖在潛邸遣召之問以治道久之請南還世祖即位以為侍講學士至元十七年加昭文館大學士卒年八十五後

人師追封

定公賈居貞真定獲鹿人年十六汴京破奉母居天平甫冠為行臺從事世祖中統元年授中書左右司郎中至元十五年累遷江西行省參知政事十七年卒贈平章政事追封

恒國忠肅公焦德裕其遠祖贊從宋丞相富弼鎮瓦橋關遂為雄州人父用仕金由束鹿令陞千戶守雄州北門太祖兵至用奮力戰太祖執而釋之使復舊官徇地山東木嘗妄殺一人年六十二卒德裕少拳勇善射從其舅解昌軍中太宗時以揚惟忠薦率兵平貴等於真定賜井磴北障城田世祖至元中屢從征伐有功歷拜福建行省參知政事二十五年卒贈平章政事追封

韓文正公趙良弼女直人本姓木要甲音訛為趙家因以趙為氏父愍金威勝軍節度使諡忠閔良弼明敏多智略初舉進士教授趙州世祖在潛藩召見占對稱旨會立邢州安撫司擢良弼為幕長已未世祖南征召參議元帥事兼江淮安撫使憲宗卒世祖北遷良弼陳時務十二事言皆有徵至元七年以良弼為經略使領高麗屯田

列國譜系 卷五十八

十九 五十八

章 十一年拜同僉書樞密院事二十三年卒贈太保追封子訓陝西平

易武定公解誠易州定興人善水戰從伐宋以功授水軍萬戶兼都水監使焦湖之捷因從攻淮南又從下雲南大理國以功賜金虎符從攻鄂殺敵軍甚眾至元三十年卒追封子汝揖襲從討李璫平宋累獲功賞卒追嗣父封諡忠毅子帖哥襲從征廣西交趾有功累陞廣東道宣慰使卒追封平陽郡公諡武宣

魏忠節公愛魯唐兀人昔里氏父昔里鈴部太祖太宗時屢從征伐有功授千戶遷斷事官定宗即位進秩大名路達魯花赤已未世祖南征以疾輿歸卒于家愛魯襲職至元中從雲南征金齒諸部有累遷雲南行省尚書右丞二十五年卒諡毅敏子教化中書平章

政事請于朝贈其祖昔里鈴部為太師諡貞獻加贈愛魯太師追封

改今諡 忠敏公李恒其先姓於彌氏唐末賜姓李世為西夏國主太祖征西有守元納刺城者夏主之子也城陷不屈而死子惟忠方七歲家從父死主將異之執以獻主宗王合撒兒王留養之及長從紅山原有功淄川王分地以惟忠為達魯花赤佩金符惟忠生恒恒生有勇質王妃撫之猶已子中統三年命恒為尚書斷事官恒以讓其兄李璫及連海恒從其父棄家入告變璫怒繫恒閹門獄中璫謀得出世祖嘉其功授淄萊路總管至元七年遷萬戶從伐宋破襄陽十一年從伯顏伐宋為左副元帥十四年拜參知政事行省江西十五年追宋主至廣滅之嶺海悉平十七年拜中書左丞行省荆湖

列國譜系 卷五十八

二十 五十八

十九年乞解軍職乃命其子散木兒襲為本軍萬戶恒從皇子征交趾為流矢中卒諡武愍贈太保追封

沈武愍公忽都思伯牙吾台氏史無傳

龍右義武王汪世顯鞏昌臨川人系出旺古族仕金屢立戰功官至鞏昌便宜總帥金平世顯獨城守及皇子駐兵城下始率眾降皇子承制錫世顯章服官從其舊即從南征定西蜀有功癸卯春卒中統三年論功追封龍西公諡義武延祐七年進今封長子忠長鞏昌便宜副總帥次德臣年十四侍太子射獵襲爵鞏昌便宜都總帥從征蜀有功使城益昌諸戎皆聽節制世祖命置行部于鞏奏乞以兄忠臣攝府事更已得專事益昌進攻嘉川漢中皆破之戊午從征龍州飛虎所中卒中統三年追封龍西公諡忠烈

梁國忠惠公汪良臣世顯第四子年十七卽從兄德臣出征每戰

輒當前鋒以功擢裨帥中統二年累功遷鞏昌便宜都總帥至元十五年四川悉平授中書左丞行四川中書省事行省罷改授安西王相不赴十八年夏卒贈柱國追封

閩中肅興公楊大淵天水人與兄大淵弟大楫皆仕宋大淵總兵守閩中歲戊午憲宗兵攻閩中大淵力屈而降命以其兵從招降諸郡擢爲大軍總管已未拜侍郎都行省與宋將相拒屢破走之至元二年以疾卒八年追封

魯郡文襄公孟祺宿州符離人世以財雄鄉里父仁業儒有節行壬辰北海寓濟川魚臺州帥石天祿禮之辟兼詳議府事視幼敏悟善騎射早知問學侍父徙居東平時嚴實修學校招生徒立考試法祺

列國譜系

卷五十八

王十一

就試登上選辟掌書記廉希憲宋子貞皆器遇之以聞于朝擢國史院編修官十二年從伯顏伐宋爲行省諮議久之遷郎中伯顏雅信任之至元十八年擢浙東海右道提刑按察使疾不赴卒追封

齊郡武宣公張弘綱東安州人祖仁義金末徙家益都及太宗下山東仁義乃走信安金主將署爲總管守信安喻十年度不能友乃與主將舉城歸附從定河南授管軍元帥卒賜爵縣侯父禧年十六從

軍征伐有功已未從世祖南伐力戰有功世祖卽位賜金符授新軍千戶至元四年改水軍總管從破襄陽降萬戶佩金虎符從伯顏平

宋下福建加江陰路達魯花至元十七年加都元帥拜行省平章政事以罪免弘綱從父攻城徇地屢有功自校尉管軍總把佩銀符換金符爲千戶陞總管後賜玉珠虎符授河南諸翼征行萬戶征西征

戰沒追封子鼎襲江陰水軍萬戶

平昌武襄公管如德黃州黃陂人父景模爲宋將以斬州降授淮西宣撫使如德爲江州都統制至元十二年亦以城降授湖北招討使從阿木南攻宋爲前鋒又從伯顏平宋累功遷浙西宣慰使二十六年歷江西行尚書省左丞卒于軍追封

清河文敏公張礎其先渤海人金末曾祖琛徙燕之通州祖伯達從忽都忽略地燕蘇全守其蒲察斤以城降忽都忽承嗣以伯達知通州父範爲真定勸農官因家焉礎儒業丙辰歲平章廉希憲薦于世祖潛邸已未從世祖伐宋凡徵發軍旅文檄咸出其手中統元年立中書省以礎權左右司事歷遷國子祭酒出爲安豐路總管二十一年卒于官追封

列國譜系

卷五十八

王十一

河南忠定公陳祐趙州寧晉人世業農祖忠博學爲師旣沒門人謚曰茂行先生祐少干學家貧母張氏嘗剪髮易書使讀之長遂博通經史癸丑穆王府署祐爲其府尚書王旣分土於陝洛表祐爲河南府總管世祖卽位分陝洛爲河南西路中統元年真除祐爲總管世祖至元六年置提刑按察司首以祐爲山東道按察使十四年歷遷浙東道宣慰使爲盜所害追封

趙國文忠公陳天祥弟因祐仕河南自寧晉徙家洛陽天祥少隸軍籍善騎射中統三年李璫叛據濟南結宋爲援宣慰司承制以天祥爲千戶屯三汭口防遏宋兵事平罷歸居偃師南山躬耕讀書從遊者甚衆至元十一年起家招討司經歷從渡江南伐十三年授知興國軍二十一年拜監察御史大德七年歷拜集賢大學

士商議中書省事八年移疾謝去屢召不赴仁宗延祐三年卒年八十累贈行省平章政事卒追封

魯通敏公陳思謙佐之孫少孤警敏好學文宗天曆初以薦舉召見授典寶監經歷改禮部主事至正十三年累遷御史中丞拜命次日卒贈杜國追封

終國公賈普刺燕之大興人本姓賈氏其父仕金為庖人普刺體貌魁碩有志於當世甲申因近臣入見莊聖太后遂從睿宗於和林典司御膳以其賢賞賜名普刺俾世族與蒙古人同甚親幸之令徙居濂州世祖在潛邸知其重厚使從迎皇后於弘吉刺之地自是預謀帷幄勳中機會世祖即位立尚食尚藥局賜金符提點局事卒追封開喜郡侯謚敬懿英宗時以曾孫貴贈太保進今封子丑妮方幼時列國譜系 卷五十八 五十五

世祖愛之從征雲南以勇敢聞已未從伐宋還自鄂州卒追封臨汾郡公謚顯毅英宗時以孫貴加贈太傅進同父封

臨汾王虎林赤丑妮子子智勇絕人從幸和林擊敵有功還佩其大父金符提點尚食尚醫一局超拜宣徽使仍領尚膳使卒英宗時以子貴贈太師進今封

冀安忠隱王禿堅不花虎林赤子襲世職為尚藥尚食局提點世祖以故家子獨奇之使在左右從征乃頗有戰功陞同僉宣徽院事大德末累遷宣徽使仁宗即位加金紫光祿大夫延祐七年以疾去官英宗即位帖失諧殺之後帖失以逆伏誅事乃白贈太傅追封冀國公謚忠隱後進今封曾祖以下皆加贈云

鳳門公速羅海畏兀人父塔塔統阿性聰慧通本國文字乃蠻大纛可汗尊之為傳掌其金印及錢穀太祖西征獲之命教太子諸王太宗即位命司內府王璽金帛數加禮遇以疾卒速羅海其第三子世襲父職世祖即位從其母入見欲官之以無功辭命統宿衛奉使遼東卒追封至大二年又追贈塔塔統阿如子爵

濟南公張榮濟南歷城人狀貌奇偉從軍以勇氣聞金末山東盜起榮率鄉民據濟南黃堂嶺聚眾略地歲丙戌歸附太祖授山東行尚書都元帥帥知濟南府事庚寅伐宋為先鋒破汴梁取徐邳乙未中書及績為天下第一乞致仕後十九年世祖即位封致仕卒年八十三子邦傑嗣先卒孫宏嗣改真定路總管

彭城武莊公劉斌濟南歷城人少孤鞠於大父有勇力從張榮起兵為管軍千戶壬辰攻河南以功授中翼都統破睢陽平太康移屯襄陽從攻安先登破其城乙卯累遷濟南軍萬戶移鎮邳州已未卒追封

濱國忠肅公劉思敬斌子賜名哈八兒都襲父職為征行千戶世祖中統至元中屢從征伐有功歷拜江西行省參知政事二十年卒贈柱國追封

東平莊憲公張昉東平汶上人父汝明金大安元年經義進士官至治書侍御史昉以任子試補吏部令史金亡還鄉里嚴實行臺東平辟為樞進募職乙卯權知東平府事以中統四年參知中書省事至元十一年歷拜兵刑部尚書乞致仕卒追封謚

寧夏忠遂公暗伯唐兀人史無傳

文貞公馬祖常世為雍古部居靖州天山有錫里吉思者於允

常為高祖金季為鳳翔兵馬判官以節死贈恒州刺史子孫因其官

以馬為氏曾祖月合乃從世祖征宋留汴掌饋餉累官禮部尚書父

酒同知漳州路總管府事家于光州祖常七歲知學鄉貢會試皆中

第一廷試結第二人累官樞密副使辭歸光州至元四年卒追封謚

清河景敏侯張子良涿州范陽人金末四方兵起子良聚州人阻水

汴居從之者眾就食東平東平守納之久之守棄東平還汴檄子方

南屯宿州又南屯嘉州壽州以援汴功授總管戊戌率泗州西城諸

縣之眾因元帥阿木歸附太宗命為都總帥庚子賜金符癸丑憲宗

命為歸德府總管中統二年世祖賜虎符七年改大名路總管兼府

尹八年卒年七十八子懋弱冠已有父風領父軍鎮下邳知歸德府

列國譜系

卷五十八

二十五

五十五

事中統元年授泗州軍總把佩金符至元七年擢千戶九年從破襄

樊有功十一年從伯顏平宋十三年授泗州安撫使達魯花赤十六

年改吉州路總管十七年卒追嗣父封謚宣敏

定海忠勇侯隋世昌其先登州棲霞人父寶徙居萊陽金末隸軍伍

主帥奇其貌以為管軍謀克太宗下山東寶遂來歸授萊陽今世昌

其第四子也涉獵書史善騎射癸丑選克馬軍以戰功陞馬軍隊官

已未克遼水陸馬軍千戶中統三年改步軍千戶至元元年授萊陽

縣諸軍與魯長官七年以圍樊陞管軍千戶十三年從平陽州陞管

軍總管十七年女遠大將軍管軍萬戶二十三年以疾卒追封謚

子國英嗣

太原忠肅侯侯倚其先東萊人父永福金末避也宛平著姓

雷雄間里世祖選良家子入侍東宮倚年弱冠在眾中儀貌獨偉太

保劉秉忠深器重之即以克選拜工部尚書至元二十一年立東宮

官以倚為丞相二十八年歷遷禮部尚書明年卒追封謚

梁忠懿侯月乃合狄道人

右世祖時封爵凡王六人國公十六人郡公十四人

人封公隨父見者王五人公十人

廣平武忠王博爾木阿兒刺氏始祖字端察兒以才武雄朔方父納

忽阿兒蘭與烈祖接壤敦睦降好博爾木沈雄善戰太祖於潛邸其

履艱危嘗從征伐太祖稱帝以為右萬戶令皇子受教未幾賜廣平

路戶一萬七千三百有奇為分地以老病卒太祖痛傷之太德五年

贈太師追封謚子字樂合襲爵萬戶卒贈太師追嗣父封謚忠定孫

列國譜系

卷五十八

二十六

五十六

王昔于木兒世祖時嘗寵以不名弱冠襲爵統按台部眾至元十二

年拜御史大夫累遷大傳錄軍國重事知樞密院事成宗即位進太

師貞元元年以疾卒大德五年追嗣祖封謚貞憲子木剌忽仍襲爵

為萬戶卒子阿魯圖由經王監襲職為怯薛官掌環衛遂拜翰林學

士承旨至元三年嗣祖封爵至正四年拜中書右丞相十年別兒怯

不花諷御史劾奏遂罷相十一年復起為太傅出守和林遂卒無嗣

咸陽忠惠王賽典赤膽思丁一名烏馬兒回回人別巷伯爾喬其國

言賽典赤猶華言貴族也太祖西征膽思丁率千騎迎降命入宿衛

從征伐太宗即位累授達魯花赤入為燕京斷事官憲宗即位擢燕

京路總管中統二年拜中書平章政事至元八年行省雲南撫輯西

南諸夷翕然款附至元十六年卒大德元年贈太師上柱國追封

延安王納速刺丁膽思丁長子累官雲南宣慰使都元帥至元二十年進拜陝西行省平章政事二十九年以疾卒贈太師上柱國追進今封

奉元忠憲王伯顏察兒納速刺丁子累官中書平章政事佩金虎符贈太師上柱國中書左丞相追封

雍國忠簡公忽辛膽思丁三子初以世臣子備宿衛世祖善其應對至元十四年授兵部郎中明年出為河南宣慰同知招降諸盜累遷江西行省平章政事至大三年卒天曆元年贈上柱國追封魏國孝懿公布魯海牙畏吾人祖兒牙八海牙父吉臺海牙俱以功為其國世臣布魯海牙幼孤依舅氏家年十八隨其主歸附充宿衛從太祖西征太宗初選使燕京總理財幣使還莊聖太后聞其廉謹

列國譜系

卷五十八

三十七

五十七

以名求之于太宗授真定路達魯花赤辛卯拜燕南諸路廉訪使未幾授斷事官累遷順德路宣慰使至元二年卒初布魯海牙拜廉使命下之日子希憲適生喜曰吾聞古以官為姓天其以廉為吾宗之姓乎故子孫皆姓廉氏後或奏廉氏仕進者多宜稍汰去世祖曰布魯海牙功多子孫亦朕所知非汝當預大德初贈大司徒追封

恒陽文正王廉希憲布魯海牙子幼魁偉舉止異凡兒世祖為皇弟希憲年十九得入侍恩寵殊絕希憲篤好經史又善騎射歲甲寅世祖以京兆分地命希憲為宣撫使世祖即位以翊戴征伐功拜平章政事至元十年以忤旨罷十一年起北京行省平章政事十四年遷荊南行省十七年卒大德八年贈太傅追封魏國公諡

又正加贈上柱國進今封

淮忠武王伯顏蒙古八隣部人曾祖述律哥圖事太祖為八陸部左千戶祖阿剌囊父職兼斷事官平忽禪有功得食其地父曉古日世其官從宗王旭烈兀開西域伯顏長於西域至元初旭烈兀遣入秦事世祖見而異之遂留焉二年拜中書左丞相十一年伐宋領河南行中書省十三年滅宋還朝拜同知樞密院十四年諸王昔里吉之叛伯顏討平之十八年頒羣臣食邑詔益以藤州等處四千九百七十七戶二十七年進金紫光祿大夫知樞密院事出鎮和林三十年召還世祖崩伯顏總百官以聽成宗即位拜太傅錄軍國事是歲卒大德八年贈太師追封淮安王諡忠武至正四年又進今封昇武毅王土土哈其先本武平北折連川按答罕山部族自曲出居西北玉里伯里山因為氏號其國曰欽察曲出生唆末納唆末納

列國譜系

卷五十八

三十八

五十八

生亦納思世為欽察國主太祖時亦納思老國中大亂其子忽魯速蠻遣使歸附而憲宗兵適至其子班都察舉族迎降遂從征伐以強勇稱土土哈班都察之子也中統元年父子從世祖北征俱以功受上賞班都察卒乃襲父職備宿衛累遷樞密院副使先後征伐俱有大功世祖既取宋命籍建康廬饒租戶千為哈刺赤戶益以俘獲千七百戶賜土土哈仍官一子以督其賦大德元年歷拜上柱國同知樞密院事奉命還北邊二月至宣德府卒贈司空追封延國公諡武毅後進今封

楊王抹兀兒土土哈第三子初以大臣子奉詔從太師月兒魯行軍戰于百搭山有功拜左衛親軍都指揮使大德元年襲父職領軍征討有功仁宗初累拜平章政事知樞密院事至治二年卒進